



E galòz

“ E galòz “

Un galòz a t'un panir
L'era un po cl'eva i pansir
Sche tvajul d'quadret sla cresta
Zemp lighedi ad che de ad festa
Ma cla fira ad Murzen
Ch'un pruves po gnenca un chen
sota e sol che bativ fort
l'er na masa cun foss mort
e vidiva sora ad lo
tot ch'iuciaz guardè d'inzò
ma cla testa schi barboi
ross cumè e sol ad loi
e cla cresta cla pandiva
de panir che e gal e tniva
ogni tent po qualchedun
de su zigri ui triva e fom
quei s'cla poza, chi tuschen
che i t'arbelta anche un cris-cen
lo purein e nost galoz
sa di gran, gran strangaloz
e tusiva se bech zal
cum chi fa cert papagal
quei che i zcor, tent per capis
e un s'capes mai quel che is dis
A un cert punt na sposa zopa

Lai to vì e tvaiul dla gropà

Trendli so per i zampet

A te goz al men lai met

“ A birbon d'un cuntaden

I'ha e goz tot pin ad gren,

u n'avrà cinch eti o piò

ai svi fè i'afari vò !!! ”

E alora e cuntadein che guardeva ma cla sposa

A un cert punt tot incazed e da so a sla vosa:

“ S'ho capì bein la mi sgnora

E vria di che av fregh alora,

dendie e gren ma ste galet

I'ha crisù po ad cinch si ett !!! ”

“ A se e zà e mi amigh ... ”

Tnend cla bes-cia per i pid

Mentre cl'elt l'ev cmenz a bol

I'ha ciap sobti e gal pre col

E tirend fort dla su perta

Fina a che la dona s' arbelta

E s'che tira e mola ilè

E curdlein l'ha fat scapè

Lasend lebri e pori pol

Ci'è zomp via a s'un gran vol

e cuntent dla libertà

I'è sparì per la zità...

Un si sa po do ch'sia fnì

ma e cantev chicchirichì !!!

Am girì cl'è na sturiela

Se , sicur, ma sla murela ...

Luciano Monti Dicembre 2014

[Read More](#)
